

ולאבירים בני אליאב בן ראובן אשר פצתה
הארץ את פיה ותבלעם ואת בתיהם ואת אהליהם
ואת כל היקום אשר ברגליהם בקרב כל ישראל
כי עיניכם הראת את כל מעשה יהוה הגדל
אשר עשה ושמרתם את כל המצוה אשר אנכי
מצוה היום למען תחזקו ובאתם וירשתם את
הארץ אשר אתם עברים שמה לרשתה ולמען
תאריכו ימים על האדמה אשר נשבע יהוה
לאבותיכם לתת להם ולזרעם ארץ זבת חלב
ודבש כי הארץ אשר אתה

בא שמה לרשתה לא כארץ מצרים הוא אשר
יצאתם משם אשר תזרע את זרעך והשקית
ברגלך כגן הירק והארץ אשר אתם עברים
שמה לרשתה ארץ חרים ובקעת למטר השמים
תשתה מים ארץ אשר יהוה אלהיך דרש אתה
תמיד עיני יהוה אלהיך בה מרשית השנה ועד
אחרית שנה והיה אם

שמעו תשמעו אל מצותי אשר אנכי מצוה אתכם
היום לאהבה את יהוה אלהיכם ולעבדו בכל
לבבכם ובכל נפשכם ונתתי מטר ארצכם בעת
יורה ומלקוש ואספת דגלך ותירשך ויצהרך
ונתתי עשב בשדך לבהמתך ואכלת ושבעת
השמרו לכם פן יפתה לבבכם וסרתם ועבדתם
אלהים אחרים והשתחוויתם להם וזרה אף יהוה
בכם ועצר את השמים ולא יהיה מטר והאדמה
לא תתן את יכולה ואבדתם מהרה מעל הארץ
הטבה אשר יהוה נתן לכם ושמרתם את דברי אלהי